

115 年全國語文競賽臺灣原住民族語言朗讀文章 【知本卑南語】 國小學生組 編號 1 號

naku kinasahar mekan nu derun

nu derun mu na kadaw tu isasenan kasa vi'as zi, kamawan ta za kazu kana ma'izang na kakerangan, inku kamawan kana kinakerang na sasaya na ciyawkeli kemay i tranguru' palru i kuwi mutuwa'etu' muderenaw, pakalikuzan lra mu kamawan lra kana mutu zanuwanum, izu natu vi'asan na kadaw mu tu alakay ta zazek peniya za uratr.

nu derun mu, na mar'inavanava penauwa kanta anger mekan mu maw na kuli, na kuli aruwa 'emevut kana tu vi'asan na kadaw, nanta zazek tu vi'asan nu ngawngaway ta puudung kana kuli mu tu pakalritekaw lra. payas mulremes na vi'asan kanta zazek i itras i lusu talrektek ta lra. na kuli mu kamawan kana sasa na 'uringetr na awa kemitatengeda, tu verukaw na vi'asan, parevuli lra izu na lritekan, 'azi ta mazalram za kakuda ta marengay kanizu nantu ikatalrekaketek.

azu a lema'ed kanizu na kuli mu, izu na ikatalrekaketek musavak kanata anger i savak, izu na vaktratr izu na ta anger i savak mu payas marevakar. na kuli mu kamawan za sasa na malikakasaw atra'alr atu ikelalawang, kazu kana lidam muliyuliyus, na musama' na kuli mu kazu

i kadakadaw salaw semenan ma'inan ta, kamawan za tematuwap kaninta zi pahelralrahelr kaninku za pakunanamuna lema'ed i tiyalr, 'azi ku lra pakakuda zi saudungan zi masalr ku puudung, ku piyayaw mekan say saya udung mu 'azi musama'.

na akanen kana kuli nu mekan ta nu derun mu, maw na penarpauwa kananta anger, na saudung saudung na lina'ed ziya mu, maw na i punapunan na 'imaran na akanen. kazu ta kana vias na derun mu, nu mekan ta za kuli maw na saya na aruwa puwalak zata vi'asan. nu derun mekan ta za sakisiyan na kinesap na kuli mu, nanta anger mu kamawan za kazu kana iniyan za palruwan na rukup, ta anger kemazu muviivii, ali'anan, nu derun mu, mazu 'azi ta mekan za sakisiyan pinuwayan za siyēncaw, sungaw, melri mu na pangudangudalr zi maw na latru', nu melri mu ta puwayay kana vu'ir na pinalaulr, maw na azeki na huling ta pa'uriyay kana kinesap na kuli muwalaka ta vi'asan? masalu ku kaninu kuwazu u mianger nu derun nu tinukavi'asan mu, nu mekan ta kana kuli mu maw na aruwa penauwa kananta anger.

夏天我最喜歡吃的東西

夏天，彷彿是個烤箱，而我就像烤箱裡的巧克力，慢慢融化，化成濃稠的汁液。夏天，最棒的享受莫過於吃冰，在咬下冰的第一口後即被吹散、流著涼爽的氣息。冰，就像英勇的戰士，趕走酷暑，那奔騰的清涼，是一種無法言喻的冰涼，乾涸的心靈頓時解開。冰，就像舞者，輕快的步伐，在舌尖旋轉。

炎炎夏日，吃冰是最能消暑的方式。來碗加了仙草、綠豆、鳳梨、芒果的冰，或加了芋頭圓和紅豆牛奶的剉冰，在這酷熱的夏天，最棒的享受就是吃冰！